

Headline	Bantah projek empangan Nenggiri		
MediaTitle	Sinar Harian		
Date	08 Dec 2017	Language	Malay
Circulation	160,000	Readership	509,000
Section	Selangor & KL	Page No	40
ArticleSize	385 cm ²	Journalist	N/A
PR Value	RM 19,702		



Bantah projek empangan Nenggiri

42 penduduk Orang Asli dari 11 kampung buat laporan polis bimbang penempatan mereka terjejas

AKMALIAH RAZAK

GUA MUSANG - Sebanyak 11 laporan polis dibuat bagi membantah projek pembinaan empangan di Sungai Nenggiri dan Sungai Lebir, di sini, hujung bulan lalu.

Malah kelmarin, seramai 42 penduduk Orang Asli tampil membuat laporan polis untuk mempertahankan kawasan mereka yang akan dilupuskan akibat pembinaan tersebut.

Presiden Jaringan Kampung Orang Asli Kelantan (JKOAK), Mustafa Along berkata, kira-kira 3,000 penduduk yang terlibat tidak bersetuju dan melahirkan kebimbangan sekiranya projek itu menjejaskan kehidupan mereka.

Katanya, bimbang dengan nasib yang bakal mereka tempuhi tidak lama lagi, seramai 42 penduduk dari 11 kampung tampil



Seramai 42 penduduk Orang Asli di beberapa penempatan tampil membuat laporan polis, kelmarin.

membuat bantahan lagi.

"Hanya penduduk di Pos Pulat dan Pos Tohoi bersetuju manakala majoriti dari Kampung Kuala Wook, Kampung Lumbong, Kampung Segox, Pos Pasik, Kampung Kuala Bering, Pos Gob, Pos Simpor, RPS Kuala Betis dan Pos Bihai membantah.

"Lagipun, maklumat

INFO

● Kawasan seluas 5,804 hektar di empangan Sungai Nenggiri bakal ditenggelamkan dan 5,400 hektar bagi Sungai Lebir

● Kerajaan kaji cadangan menjadikan empangan Sungai Lebir mempunyai pelbagai fungsi termasuk projek tebatan banjir, bekalan air untuk pertanian dan penjanaan tenaga elektrik

● Empangan Sungai Nenggiri menelan kos begitu tinggi untuk 300 megawatt (MW) yang dijangka beroperasi pada 2024 dan 274 MW di empangan Sungai Lebir pula beroperasi 2028



Salah satu kawasan empangan dicadangkan di Sungai Nenggiri.

tentang projek empangan berkenaan tak jelas kerana akses kami terhadap laporan pun dinafikan kononnya laporan Penilaian Kesan Alam Sekitar (EIA) itu dokumen rahsia.

"Kami juga tidak mahu kawasan-kawasan keramat, kubur-kubur lama, dusun-dusun lama, kampung lama,

tempat mencari makan kami dimusnahkan," katanya mewakili komuniti Orang Asli selepas membuat laporan polis terhadap Tenaga Nasional Berhad (TNB), Menteri Tenaga, Teknologi Hijau dan Air, Datuk Seri Dr Maximus Johnity Ongkili dan UKM Pakarunding Sdn Bhd, kelmarin.